

Bosna i Hercegovina  
Federacija Bosne i Hercegovine

KANTON SARAJEVO

Javna ustanova "Služba za zapošljavanje  
Kantona Sarajevo" Sarajevo  
SARAJEVO




Bosnia and Herzegovina  
Federation of Bosnia and Herzegovina

CANTON SARAJEVO

Public Institution "Employment Service of  
Canton Sarajevo" Sarajevo  
SARAJEVO

Broj: 01-01-2095-1/19  
Sarajevo, 28.06.2019. godine

Bosna i Hercegovina  
Federacija Bosne i Hercegovine  
Kanton Sarajevo – Skupština Kantona Sarajevo  
n/r Predsjedavajućeg Skupštine Kantona Sarajevo Elmedina Konakovića  
Ul. Reisa Džemaludina Čauševića broj 1  
71 000 Sarajevo



**Predmet:** Odgovor na zastupničko pitanje zastupnika Vibora Handžić, dostavlja se  
**Veza:** Vaš akt, broj: 01-05-23146-94/19 od 24.06.2019. godine

U vezi vašeg akta (broj i datum veze) koji je Javna ustanova „Služba za zapošljavanje Kantona Sarajevo“ Sarajevo zaprimila 26.06.2019. godine, a u vezi zastupničkog pitanja zastupnika Vibora Handžić, dostavljamo traženi odgovor kako slijedi:

Na osnovu člana 4. stav (1), a u vezi čl. 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javna ustanova "Služba za zapošljavanje Kantona Sarajevo" Sarajevo, Vlada Kantona Sarajevo utvrđuje godišnji Program mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo (u daljem tekstu: Program mjera).

Programom mjera definišu se pojedinačne podsticajne mjere, utvrđuju finansijska sredstva, te kriteriji, ciljevi i rokovi realizacije svake od predviđenih podsticajnih mjera, način praćenja realizacije svake od predviđenih podsticajnih mjera, način objavljivanja javnih poziva, praćenje efekata, vođenje dokumentacije i evidencije, te druga pitanja od značaja za provođenje Programa mjera.

Na osnovu navedenog Javna ustanova "Služba za zapošljavanje Kantona Sarajevo" Sarajevo (u daljem tekstu: Služba) već dugi niz godina realizuje programe sufinansiranja zapošljavanja pripravnika na sljedeći način.

Kada Vlada Kantona Sarajevo utvrdi Program mjera, Služba u roku od 15 dana objavljuje javne pozive za pojedinačne podsticajne mjere, najmanje u jednom dnevnom listu koji izlazi u Kantonu Sarajevo i na web stranici Službe.

Po objavljenom javnom pozivu zainteresovani poslodavci, podnose zahtjeve za učešće u programu sufinansiranja zapošljavanja pripravnika, te uz zahtjev dužni su priložiti svu traženu dokumentaciju po javnom pozivu, utvrđenu Programom mjera.

Zahtjevi zaprimljeni po javnom pozivu, obrađuju se u Sektoru za podsticajne mjere zapošljavanja i informatičke poslove u Odjeljenju za podsticajne mjere zapošljavanja, te se na osnovu priložene dokumentacije tražene javnim pozivom, shodno utvrđenim kriterijima po Programu mjera, vrši vrednovanje i selekcija podnesenih zahtjeva.

Vrednovanje i selekciju podnesenih zahtjeva vrši Odjeljenje za podsticajne mjere zapošljavanja, koje utvrđuje i prijedlog liste podnosilaca zahtjeva za učešće u realizaciji

podsticajnih mjera, a koju na prijedlog Upravnog odbora Službe usvaja Vlada Kantona Sarajevo.

Nakon što Vlada Kantona Sarajevo, usvoji predložene liste podnosilaca zahtjeva, iste se javno objavljuju na web stranici Službe, a direktor Službe, zaključuje ugovore sa podnosiocima zahtjeva čiji zahtjevi za učešće u realizaciji podsticajnih mjera su prihvaćeni.

Ugovorima iz prethodnog stava, uređuju se prava i obaveze Službe i podnosilaca zahtjeva i koji sadrži sve bitne elemente iz Programa mjera.

Poslodavac je obavezan, u roku od 30 dana od dana potpisivanja navedenog ugovora dostaviti Službi tri primjerka Ugovora o radu sa pripravnicima (jedan original i dvije ovjerene fotokopije), ovjerenu fotokopiju obrasca JS 3100 (Prijava/Promjena/Odjava osiguranja prethodno zaprimljena i ovjerena u Poreskoj upravi), uvjerenje o brisanju sa evidencije biroa za zapošljavanje za osobu/e koje zapošljava, odluku, odnosno sporazum ili ugovor sa mentorom i žiro račun.

U Pomenutom ugovoru u skladu sa Programom mjera, navodi se mjesečni iznos sufinansiranja, odnosno iznos koji će se poslodavcu refundirati, za dio isplate plaće i uplatu zakonom propisanih poreza i doprinosa. Svi drugi eventualni troškovi padaju na teret poslodavca. Sredstva po ugovoru refundiraju se nakon dostavljanje dokaza od strane poslodavca o isplati plaća i zakonom propisanih poreza i doprinosa (potpisane i ovjerene platne liste, specifikacije plaća ovjerene u Poreznoj upravi Federacije BiH i kopije izvoda banke iz kojih je vidljiva isplata pojedinačnih plaća za sufinansirane osobe).

Tačna je konstatacija zastupnika Vibora Handžića da određen broj poslodavaca isplaćuje bruto plaću u onom iznosu koji je ugovoren sa Službom, ali tu se mahom radi o poslodavcima koji se finansiraju iz budžeta Kantona Sarajevo (osnovne i srednje škole, javne ustanove, zavodi, agencije itd), iako po ugovoru sa Službom poslodavac zadržava pravo da na račun vlastitih sredstava, angažovanim osobama, isplaćuje plaću u većem iznosu od ugovorenog, a visina neto plaće definiše se Ugovorom o radu koji potpisuju poslodavac i pripravnik.

Mehanizmi kontrole postoje i nema refundacije sredstava poslodavcu sve dok ne dostavi dokaze o isplati plaća i zakonom propisanih poreza i doprinosa kako smo već u ovom dopisu naveli, a na visini neto plaće Služba ne može uticati i ona zavisi isključivo od poslodavca, a validnost isplate plaća i uplatu zakonom propisanih poreza i doprinosa ovjerava Porezna uprava FBiH.

Ukoliko još imate nedoumica i nejasnoća u vezi realizacije programa zapošljavanja pripravnika, rado ćemo dati odgovore na sve, a koristimo priliku da Vas i ostale zainteresovane zastupnike pozovemo u Službu da na licu mjesta vidite kako se praktično odvija realizacija podsticajnih mjera i kako se vode sve evidencije o podsticajnim mjerama i sva pravdanja sredstava.

S poštovanjem,



**VD DIREKTORICA**

Almina Mašin-Suljagić

**Dostaviti:**

- Naslovu
- Evidenciji
- a/a

Sarajevo, Đoke Mazalića 3,  
web-stranica: [www.szks.ba](http://www.szks.ba); e-mail adresa: [info@szks.ba](mailto:info@szks.ba)  
Tel: ++387 (33) 569-100, fax: 204-177; Matični broj: 4200304610003;  
Poreski broj: 01079085; Računi Intesa Sanpaolo Banka d.d. Sarajevo:  
1549212010171056-depozitni račun, 1540012000135120-transakcijski račun

